

Welcher gestalt die Bestung
 Souorden von ihrer Prinzliche Ex-
 cellentie Graff Morizen entsetzt wor-
 den. Geschehen Anno

1594.

Nach dem sein Prinzliche Excellens Graff
 Moriz die Statt Gertrudenberg erzehter
 massen / in angesichte seines Feinds erobert/
 vnd dieselbe mit aller notturfft vn guter ord-
 nung versorgt / hat er vnderchiedliche anschlag auff
 etliche Stett vnd Bestungen / insonderheit Bruck
 vnd Mastrich fürgehabt / so aber zum theil auß blöd-
 herzigkeit etlicher Capitänen vnd Kriegsleuthen zu
 gewünschten end nicht kommen. Inmittelst aber hat
 Graff Wilhelm von Nassaw seiner schanz in Fries-
 land fleissig wargenommen / vnd dem Feind grossen
 Abbruch gethan / dem er etliche starcke Schansen vñ
 Bestungen abgetrungen / als Gramsberg / Wedde /
 ic. vñ wendte alle mittel vnd fleiß an / die Statt Gro-
 ningen / so viel möglich zu zunahen. Als er aber sahe
 daß ihm der Feind zu starck vnd mechtig / insonderheit
 weil er nun Dtmarsen widerumb eingenomen / auch
 zubefürchten hatte daß der Feind ein einfall in Fries-
 land thun mochte: ist er mit dem gansen hauffen nach
 der Leck gezogen / vnd weil er wuste das Schloch-
 teren / Winschotten vnd Wedde / sampt der kleinen
 Schanz auff der fahrt / nicht starck genug wider das
 Geschütz lang außzuhalten / hat er ein strengen Be-
 felch dahin gesand / daß sie bey Leibsstraff keine deren
 Schansen solten auffgeben / eh das grob Geschütz
 dafür gebracht worden. Solches thet er / zeit zu ge-
 winnen